

## **Pembaharuan dalam Kristus**

Kristus sudah bangkit! Apa yang tinggal hanya kain kapan dan kain linen yang terletak di dalam kubur (Yoh 20:3-7). Kain linen itu berharga (ruj. Kel. 39:27-29; 2 Sam. 6:14; Est. 8:15), tetapi Kristus yang bangkit meninggalkannya di kubur! Kebangkitan Yesus Kristus melambangkan paradigma lama sesungguhnya sudah berlalu, dan yang baru telah bermula. Kita hidup dalam paradigma baru apabila kita menerima kebangkitan dan keselamatan-Nya.

Oleh itu, marilah kita terus mengalami pembaharuan dari Kristus ketika kita berdoa bersama-sama dalam musim Kebangkitan ini.

### **Berdoa untuk diri dan keluarga kita**

1. Berdoa agar kita berkeputusan untuk mati dan bangkit bersama Kristus. Tidak membiarkan dosa menguasai hidup kita melainkan meminta diri kita menjadi alat kebenaran Tuhan. (Roma 6:4-14; Efesus 4:20-24).
2. Berdoa supaya Kebangkitan Tuhan akan menunjukkan kepada kita tentang nilai sebenar kehidupan yang pendek ini dan hidup sewajarnya.

### **Berdoa untuk Gereja-Nya**

1. Berdoa agar gereja-gereja tempatan kita akan mengamalkan dan hidup dalam kebaharuan Kristus sehingga menjadi Gereja-Nya yang sebenar.
2. Berdoa untuk General Conference (20-23/09; pemilihan Episkopal dan ulasan Buku Displin) dan semua Annual Conference (25/10-27/11; Pemilihan Presiden, pemilihan lay leaders dan semua ahli-ahli lembaga)
3. Berdoa untuk semua General Conference & Annual Conferences tempatan & pemuridan luar negara & penjangkauan / sasaran misi, seperti bangunan Wesley Methodist School Penang [International] yang baru bermula.
4. Berdoa untuk persiapan dan pendaftaran bagi Methodist School of Intercessors (MSI; [www.methodistchurch.org.my](http://www.methodistchurch.org.my)).

### **Berdoa untuk negara kita.**

1. Berdoa agar Tuhan akan membawa pembaharuan-Nya ke tanah air kita, Malaysia, terutama dalam bidang politik, ekonomi dan pendidikan.
2. Berdoa agar Pesuruhjaya Tinggi Bangsa-Bangsa Bersatu Bagi Orang Pelarian akan lebih ketat dalam mengeluarkan kad UNHCR. Berdoa supaya mereka akan bekerjasama dengan pihak berkuasa negara kita, contohnya. Kementerian Luar Negeri, Majlis Keselamatan Negara, Jabatan Imigresen, dan PDRM, dalam membendung penipuan kad dan sindiket di sebaliknya.
3. Berdoalah untuk pilihan raya negeri Sarawak. Berdoalah agar pemimpin berintegriti akan dinamakan dan dipilih dalam pilihan raya akan datang, supaya kehendak dan isi hati Allah bagi negeri ini dan juga untuk negara kita akan dipenuhi.
4. Berdoa untuk Suruhanjaya Komunikasi dan Multimedia Malaysia (SKMM), agar mereka akan menegakkan kebebasan dalam ruangan media sosial.